

閩都記卷之六

郡人 王應山 纂輯

郡城西向馬侯官縣

還珠門右門迤南為永通坊登俊坊巷郎官巷文興坊旌

孝坊新美坊巷黃璞宅錫類坊貞節坊聚英坊拱極樓

稅課司吉庇巷利涉坊桂枝坊巷真教寺官賢坊侯官

縣儒學泮宮坊

永通坊內有宋通判衙今廢

登俊坊巷舊名右通衢宋宣和間更名春風樓俗呼楊橋巷西

有雅俗橋故名

卷六

求放心齋

郎官巷宋劉濤居此子孫皆為郎官故名

文興坊舊名脩文宋知縣陳肅改今名俗呼塔巷以閩時建育

王塔院于此今廢

旌孝坊在文興坊內國朝宏治間為孝子高均建明羅倫寄贈

孝子高惟一詩三年蔬水如君少一片天然孝子心昨夜三

山明月照不知甘露洒幽人

倫吉水人

新美坊在黃巷口晉永嘉時黃氏居此宋崔大夫及第更名新

美巷之西又有新美坊今併廢

黃璞宅在黃巷內璞字德溫侯官人舉進士官校書郎著書居

子十卷唐季歸隱於此黃巢兵入閩以此為儒行戒無燬其居

後徙莆田亦稱黃巷

錫類坊在安民巷口宋劉藻以孝聞詔以粟帛旌之故名後因太宰余深舊居於此改曰元台育德元行省都事賈訥居此其母貞節更名貞節

貞節坊在安民巷內國朝嘉靖間旌表儒士鄭坦妻鄧氏建

聚英坊在宮巷內舊稱仙居以紫極宮名後崔李二姓貴顯更名聚英又改英達今廢

拱極樓宮巷之南宋丞相鄭性之建在居第北西向理宗御書拱極樓三字徑三尺有碑豎樓下今樓圯猶巍然今在南園鄭氏宗祠之右而不知重惜哉

卷六

二

求放心齋

稅課司在安泰橋西北宋稅務舊址也國朝洪武七年建萬厓間火十六年重建

吉庇巷俗呼急避巷鄭性之丞相致仕建耆德魁輔坊閩俗相傳臘月念四日祀竈性之微時以是日貸肉於巷口屠者之妻屠者歸而大恚徑入其舍取熟肉以去性之畫一馬題註其上焚以送竈云一匹烏騅一隻鞭送君騎去上青天下皇若問人間事爲道文章不值錢後以殿元積官江西安撫使加寶章閣待制畫錦歸第氣勢烜赫屠者睨視之曰鄭秀才是耶性之令縛至庭數其罪捶殺之自是出入巷無行人

坊廢名其巷爲急避南村輟耕錄云性之素以私怨濫殺

所居清風堂下有卧屍影陰晦則現澆濯不去國朝嘉靖間里人惡其聲更署今名

利涉坊在舊羅城利涉門之北今坊廢巷亦塞

桂枝坊以鄉名唐元和間里人陳去疾登第建坊并名其鄉

真教寺在安泰橋下俗呼禮拜色目人禮佛誦經於此國朝初

建嘉靖間燬重建

官賢坊在候官縣街口舊名候官里人以候闕日久更今名

候官縣舊在岷江之西唐貞元中徙郡城今所元至大間又遷

城西北舊澄瀾閣址以縣爲普平章衙國朝洪武三年復爲

縣規建并視閩縣二十九年火知縣張繼重建永樂元年又

卷六

三

求放心齋

火宣德二年重建

儒學在縣治東文廟在其西兩廊爲東西齋其北爲尊經閣

泮宮坊在學東接奎文閣嘉靖間燬

由後街雅俗橋折而南爲豐盈坊鼎魁坊衣錦坊巷文儒

坊巷栢郎中祠光祿吟臺光祿坊灣門橋風憲坊市舶提

舉司兩賢祠懷德坊

豐盈坊舊楊橋坊今廢橫衝有花巷大小水流坑

鼎魁坊後更聚奎并廢

衣錦坊巷舊通潮巷初以陸藻陸蘊并典鄉郡名棣錦後王益

祥致江東提刑居此更今名國朝嘉靖三十二年火四十三

年重建

文儒坊巷舊山陰巷口初名儒林宋祭酒鄭穆居此改今名嘉靖中里人張經重脩署尙書里

栢郎中祠洪武中侍郎夏元吉爲採訪使勅祀元行省郎中栢帖穆爾

光祿吟臺舊號閩山保福寺後更法祥院古閩山也宋建隆三年鐫觀音像有刻云寺雖新號山則舊名熙寧三年郡守程師孟過之鐫光祿吟臺四字於石今入民居其山鐫削殆盡所存巨石巍然遊客罕至 宋程師孟詩永日清陰喜獨來野僧題石作吟臺無詩可比顏光祿每憶登臨却自回 明

卷六

四

求放心齋

陳朝錠登光祿吟臺薛老峯前返照深各山高絕傲雲岑偶過光祿吟詩處聊與高人說道心花影滿庭香氣散涼颼吹樹月華新王猷最有探奇癖何日重邀過竹林

光祿坊舊曰閩山因法祥院內有程師孟光祿吟臺更今名國朝萬厓坊圯里人方氏稱宋光祿大夫方寘居此建坊署名妄誕甚矣

灣門橋舊清遠門壕橋也俗呼鴨門橋

風憲坊舊清遠門外宋余深爲御史時居此故名今廢市舶提舉司都指揮王勝故宅也國朝初市舶置司于泉州成化五年因脩撰羅倫謫官奏移今所

兩賢祠祀羅文毅公倫舒文節公芬倫廬陵人以論輔臣李賢起復謫副市舶芬進賢人正德丁丑進士第一亦以翰撰直諫謫副市舶時稱梓溪先生嘉靖間巡按聶約建一峯書院於朱紫坊萬曆十七年督學使耿定力請於撫臺以廢提舉司合祀二公署兩賢祠二十二年改提舉衙爲督捕館以居杉洋捕盜通判督學使徐卽登市民居爲門南向買田建碑祀典益隆三十七年爲水所壞叅議甘雨重爲脩葺自爲記勒祠中 明徐卽登祠記予爲祠部郎閱諸路學使上祀籍至閩展謁兩賢祠而無門詢之有司詰所以興廢故則稱兩賢并祀于提舉司主之者中乙 周公成之者學憲耿公其後

卷六

五

求放心齋

太守旣併督捕私署乃改署于斯祠門遂塞予偕陳叅藩張兵憲二公從署門入謁焉則見祠僅存一堂堂率置他物前則鞠爲蔬圃後則爲衙舍予三人悼歎久之予諗于二公曰此祠也生而居沒而祀順也計祀之日至改之年方五稔未遠也而興廢頓易人情固之不可知者乎今欲興復之盍爲久遠計二公僉曰唯唯二公乃以其事屬福郡溫二守二守欣然任之于祠前得地十數丈闢門從東南出祠後吐還原所以妥神寢左右高牆垣以隔私署予又訪吾江占籍茲土李日新周其和給與衣巾世世奉祀是役上不妨官署下不費民財神有堂室人有蒸嘗庶幾其可久乎二公有感于廢

興之 屬子記之予述所聞兩賢事并祠始末

懷德坊舊名延平宋司業鄭南居之改儒宗國朝天順間鎮守少監來住寓地平寺重建更名內有永安坊與懷德坊相直

由衣錦坊而西為閩山坊王益祥宅百勝營車弩橋貞節坊三山驛西察院董忠憲祠拙齋祠遞運所

山坊俗呼廟巷南通文儒坊北為牙道營坊今地

益祥宅益祥字謙叔宋淳熙甲辰進士及第樞密院編脩監察御史江東提刑致仕舊居閩縣江左里之籌岐後遷今所國朝洪武二十一年為鎮守帥臣所奪剏中衛倉尋燬于火

卷六

六

求放心齋

天順元年八世孫叅政佐疏于朝復之元韓準咏王益祥監察御史誥繡衣人去誥猶存百代珍藏付子孫為問王家堂上燕幾回 益過高門

百勝營宋時廂軍屯駐于此今廢內有委巷并稱營裡

車弩橋在圓通打線二巷口舊有木梁國朝成化十七年始甃以石橋西則三山驛也俗呼館驛橋

貞節坊旌表李徽妻林氏子源領成化辛卯鄉薦

三山驛卽元東驛地宋提刑司團結軍營故基也宋時城中為驛五後盡廢元至元間以宋趙資政府為在城驛元貞二年平章高興移今所國朝洪武間建三山驛于元東驛隆慶間

作二公館于驛之東

西察院卽元西驛地國朝正統十年建爲福寧道西院舊在鐘山之西嘉靖間移今所爲使臣傳舍

董忠獻廟祀元茶政董文炳文炳畧地于閩秋毫無犯閩人德之祠今廢

拙齋祠祀宋儒林之奇以呂祖謙配之黃朴扁其堂曰尊拙莆田陳宓署其門曰拙齋先生書院歲久傾圯國朝成化間裔孫培重建萬厯庚戌督學熊尙文重脩

遞運所洪武間建在驛之東南

由文儒坊而西爲閩山廟金斗橋洋尾園

卷六

七

求放心齋

閩山廟神姓卓名祐之宋景祐進士秀州判官生平正直精爽過人自謂死當爲神及卒果著靈異鄉人卽所居廟祀之號應公大夫有二神焉端平間返風滅火殄汀郡之寇有司以聞勅封廣利侯尋加威顯賜額靈應祠官領之國朝宏治四年重建香火益盛嘉靖初里人迎神金鼓喧沸巡按御史程昌莅廟拆其屋之半後又脩復宋賜勅二道勅福州靈應廟神長樂巨鎮統收八州帶山負海民俗繁庶蓋東南一都會也廟于其地赫然有聲二神同宇合以揭額返風滅火霈澤蘇旱郡人以爾之靈應爲言申命牧司開以侯爵益施惠利之實永祐邑里之民可特封廣利侯奉勅如右牒到奉行

端平乙未年九月二十一日 勅福州靈應廟廣利侯祭法
能禦大災則祀之災之大者其有烈于兵火乎爾宅靈閩山
保有南國耀陰兵以弭汀郡之寇返炎風以撲鄰境之焚考
觀民言灼見神烈式益表號以靈應廣利侯特封廣利威顯
侯奉勅如右符到奉行 端平乙未年九月二十八日保奏
官福建運判袁庸 行都事 受廟官蕭炤立石 明王
應山閩山祠避暑選勝當二伏言過里社中山寒泉有白林
密日無紅我輩能歌雪神君數借風雖非河朔飲不放酒杯
空

洋尾園在羅漢洋之北周迴六塘武弁所有後爲達官別業展

卷六

八

求放心齋

轉數主 明林嫌飲王憲長池亭愛爾遺榮十畝棲水亭炎
夏玉壺攜日邊高樹當軒蔭波面輕雲入戶低酒泛濃香薰
菡萏琴調雅曲對鳧鷖習池自昔風流地縱飲何妨醉似泥
王應山和白社人同綠野棲一尊特爲數公攜東山對酒
蘿陰合西第留賓竹日低池樹陰濃歡鳥雀渚蓮香滿醉鳧
鷖相逢且盡嘉魚樂魏闕能忘濕紫泥

由光祿坊折而西爲道南祠板橋亭菴倉前橋常豐倉

道南祠卽宋法祥院國朝成化二年建前堂祀宋儒楊龜山配
以羅豫章李延平朱晦菴其後推祀二程以四先生配之後
堂祀宋時三山諸儒萬厯十七年督學耿定力釐正祀典移

二程度閣位龜山先生于南面以羅李朱配享如故
板橋亭菴在光祿坊內跨河爲橋亭其上祀觀世音
倉前橋近常豐倉南北二橋有亭其上

常豐倉卽閩五百羅漢寺也國朝洪武七年建

由懷德坊而西爲織染局養正書院校士館射圃

織染局在地平寺之東市舶內臣公署也國朝洪武八年建織
染局于府治東南光澤坊內成化十六年太監尙春以其地
建市舶府移局今所

養正書院在烏石山之北元至正十七年建地平瑜珈教寺於
此國朝正統間重脩景泰六年改爲法禪寺俗呼地平堂嘉

卷六

九

求放心齋

靖七年改爲養正書院

校士館在提學道之東國朝萬厯七年建

射圃在學道之西先是圃在書院之北後改學道度西偏之
地作射堂其南爲門署曰射圃

